



# САМУРДИН

## ссс

«Магарамдхурун район» МР-дин  
общественно-политический газет.  
Общественно-политическая газета  
МР «Магарамкентский район».

Газет 1951- йисалай акъатзава. № 35 (7910) киш, 8-сентябрь 2018- йис. Къимет 6 манат.



## Чирвилерин югъ

И ЮГЪ райондин школайра къетленди хъана. Ам аялар, малимар, диде-бубаяр патал халисан сувариз элкъвена. Иллаки школадиз сифте яз атанвай аялар патал. Ци сифте яз партайрихъ 800 далай гзаф аялар ацукъда. Абуру чирвилерин алемдиз сифте кам веъена. Къуй ам мягъкемди, дурумлуди, илимдин куклушдал къван фидайди хъурай.

**Шикилда:** сад лагъай сеферда- сад лагъай классдиз.

**Р. ГЪАЖИЕВАН** шикил.

ЦИЙИ ШКОЛА

## ФАДЛАЙ ГУЪЗЛЕМИШЗАВАЙ ЯДИГАР



ИХЪТИН шад вакъиа, шегъер хъиз туш, хуъре къериз-царуз хъун мумкин я. И юкъуз, 1- сентябрдиз Ярагъкъазмайрин хуърун са куъче гъар жуъредин

маркайрин машинрай ва инсанрай ацанвай. Ина хуърун агъалийрилай гъейри къунши хуърерай ва яргъал шегъеррай теклифнавай мугъманарни авай. Эхъ, шадвал

авуниз себени авай. Ярагъ къазмайрин хуъре школадин цийи дарамат эцигна куътягнавай. Инсанрик цийи школа

➔ 2

# ФАДЛАЙ ГУЪЗЛЕМИШЗАВАЙ ЯДИГАР



1  
ачухуниз талукъарнавай меж-  
лисдиз геж тавуна фин патал  
гъерекат квай.

Школа лагъайтла, кве мер-  
тебадин, спортзал, столовая,  
еке гъаят галай дарамат тир.  
Школадин кьенез гъахъайла, экв  
аватнавай дегълиздин кве па-  
тани классрин раklarар ачухна-  
вай. Гъар са предметдиз вичин  
класс-кабинет туькьурнава. И  
гуьзел дараматда 335 аялди  
чирвилер ва тербия къачуда.  
Абуруз школада чирвилер ва  
тербия гун патал 78 малимди  
зегъмет члугъазва.

Экуьнахъ сятдин цлудаз,  
цийи школа ачухуниз талукъар-  
навай шад линейка башламиш  
хъана. Ам сифте гаф рахунал-  
ди «Магъарамдхуьруьн район»  
МР-дин кьил Фарид Загъидино-  
вич Агъмедова ачухна ва ам  
анал рахана. Фарид Загъидино-  
вича кьейд авурвал, чеб-чпихъ  
галаз сигъ алакъада авай кве  
мярекат шад гълара кьиле фин  
лишанлу кар я. «Гъуьрмет ийиз-  
вай кеспияр гзаф ава, - лагъана  
вичин рахунра Фарид Загъиди-  
новича. –Абурукай сад малим-  
вилин пеше я. Къе суварин юкъ-  
уз заз малимриз разивилелди

ва гъуьрмет авуналди лугъуз  
кланзава: куьне, гъуьрметлу мали-  
мар, школадиз ва аялриз вири  
уьмуьр гузва. Чи районда образо-  
вание социальный рекъай эве-  
лимжи чкадал алайбурукай сад я.  
Райондин руководстводи малим-  
рин ва аялрин тереф хуьниз, об-  
разованиедин учрежденийрин ма-  
териалринни техникадин база ви-  
лик тухуниз члехи фикир гузва. Их-  
тияр це заз райондин руковод-  
стводин ва кьилди жуван патай и  
гуьзел дарамат- цийи школа вири  
Ярагъкъазмайрин жемьтдиз му-  
баракдай. Къуй и школадай акъ-  
атзавай аялар еке дережайрив  
агакърай. Абурукай район, рес-  
публика машгъурдай пешекарар  
хъурай».

Шадвилин линейка кьиле ту-  
хузвай Фарид Агъмедова гаф гу-  
налди трибунадихъ Дагъустандин  
Республикадин кьенепатан кра-  
рин министердин заместитель  
Сахават Сахаватов атана: -  
Гъуьрметлу Ярагъкъазмайрин же-  
мят, кве и чилел кве сувар кьиле  
физва. Сад лагъайди, 1- сен-  
тябрь, вири уьлкведа хъиз, чи рес-  
публикадани школайрин раklarар  
ачухзавай, аялри чпиз чирвилер  
къачун давамарзавай югъ я.

Къвед лагъайдини, кве Чахча-  
ринкъазмайрин хуьре цийи  
чирвилерин муг- школадин да-  
рамат ачухзава. Ихтияр це заз  
инал кватл хъанвайбуруз, гъакл  
райондин руководстводиз, шко-  
лада кваллахзавай малимриз,  
ина келзавай аялриз РД-дин  
Президентдин, Халкъдин Со-  
браниедин, Республикадин Гъу-  
куматдин тварунихъай и гуьзел  
дарамат- школа мубаракдай.

Линейкадал гъакл Стал Су-  
лейманан хтул, Дагъустан рес-  
публикадин лайихлу малим Шам-  
сият Магъамедюсуфовна, эцигун-  
ринни-монтаждин «Юждаг» кар-  
ханадин директор Эмираслан  
Магъамедович, «Чахчаринкъаз-  
маяр» хуьруьн администрация-  
дин кьил Мирим Абдуразакович  
рахана.

Шадвилин линейка лент  
атлуналди ва цийи школадин  
раklarар ачухуналди акъалтна.

Ахпа Магъарамдхуьруьн куль-  
турадин Кваллин художественный  
самодетельности кватл хъан-  
вайбуруз еке концерт гана. Меж-  
лис яргълди давам хъана.

**Р. МУРАДАЛИЕВ.**



# Сад лагъай зенг



1- СЕНТЯБРДИЗ чи райондин вири школайра, адет хъанвайвал, цийи келунин йис шад гъалара башламишна.

Малимар ва аялар ийикъаз хъсандиз гъазур хъанвай. Магъарамдхуъре М.Гъажиеван тиварунихъ галай 1-нумрадин юкъван школадани и шадвиллин линейка хъсандиз къиле фена. Мяркят и школадин ученицяяр тир Казиева Лейлади ва Исмаилова Луизади акъайна ва къиле тухвана. Анал рахай школадин директор Гъуъруъзат Абдулмежидовнади аялриз, диде-бубайриз школадин коллективдиз цийи келунин йисрикгин сидкъидай мубаракна Мяркятдал Магъарамдхуъруън советдин къил Рафик Агъамирзоев ва масабур рахана. Абуру аялриз ва малимриз цийи келунин йис мубаракна.

Мяркят аялри авур къуълери, ягъай манийри мадни гурлу авуна. Шадвилер яргъалди да-



вам хъана. Гъа ихътин шадвилер райондин вири школайра къиле фена. Сифте зенгинин ван акъ-

удна 1-классдин ученица Ахмедханова Маликадини 11- классдин ученик Абасов Рената. Эжирдай гъвечги классрин малимар тир Исмаилова Эсли, Бужсаева Шамсият, Агъамирзоева Инжихалума музыкадалди цуъкверин кунчар гвай, чинал хъвер алай аялар сифте яз безетмишнавай классриз тухвана ва адет тирвал ислягъвиллин тарс башламишна. «Самурдин сес» газетдин коллективди райондин вири малимриз ва сифте школадиз камар вегъенвайчи бичидустариз келунин цийи йис мубаракзава.

ЖАННА.





# Терроризмдиз рехъ гудач



РАЙОНДИН жегъилрин арада терроризмдинни экстремизмдин идеяяр чукунин вилик пад кюн, абур важиблу месэлаяр гялунал желб авун патал культурно-массовый мярекатар, элкъвей столар, классдилай къеце тарсар ва форумар тухун адетдиз элкъвевна.

Ихътин мярекатрикай сад, и йикъара Магъарамдхуръун М. Гъажиеван тиварунихъ галай 1- нумрадин школадин гъаятда «Терроризмдиз рехъ гудач» лишандик кваз кыле тухвай линейка я.

Линейка школадин жохътыяр тир Гъамидова Ларисади ва Манафова Эльмиради кыле тухвана.

Линейка сифте гаф раху-

налди школадин тарихдин тарсарин малим Рагъимат Магомедовнади ачухна. Ада вичин рахунра школайра терроризмдизни экстремизмдиз акси классдин сятер, линейкаяр тухвайди, документальный фильмаяр къалурайди ва и жи-

гъетдай хейлин маса къвалахар тешкилайди къейдна. Ахпа гаф Зейнаб Ханларовнади гана. Ада райондин вири хуьрера жегъилрихъ гаглаз экстремизмдизни терроризмдиз акси сугъбетардай гуьруьшар кыле тухун патал махсус дестеяр тешкилнавайди ва абуру тухузвай къвалахдин гъакъиндай лагъана. Бесланда хъайи мусибатдин вакъияяр риклел хкана, ва гъа югъ Россиядин халкъарин риклерай садрани алат тийидайди къейдна. Эхирдай линейкадал кыле тухвай серенжемдай аялри шиирар ва манияр лагъана.

**ЖАННА.  
Р. ГЪАЖИЕВАН  
шикилар.**



## ЧИ ХЪСАН АДЕТАР ХУЪЗ АЛАХЪИН

ЗАЗ чиз, чи уьмуьр хъсан адетри безетмишзава, гуьрчегарзава. Чи бубайри кутур, чаз чирай адетар дуьздаказ кьиле тухун, им гьар са касдин кьилин везифа я. Чи халкьарин арада дуствал, садвал, шадвал, кваллахринни илимдин рекьяй агалкьунар артухарзавайди, хъсан адетар я. Яни хъсан адетрихъ зурба кьуват ава. Уьмуьрда жезвай вакъайри чаз хъсан адетри ийизвай таъсирдикай ачухдиз лугъуза. Месела, гьикъван шаджеда, патавай физвай гьвечида члехидаз салам гана, жузун-качун авурла. Гьикъван хъсан жеда, эгер карханайра, квалера, кьеце пата, алдатмишун, тарашун, кьакъудун тахъайла. Гуьрмет хатур хъайила, кваллахдал чанни кьеда, квалах виликни фида ва агалкьунарни жеда.

Чи бубайри уьмуьрдин

уькьуь-цуру акурвилай, чаз чпин уьмуьрдила хъсан уьмуьр хъун патал хъсан адетар, мисалар, весияр тунва. Абуру чаз гьвечи чавалай дуьз тербия гана, чун уьмуьрдин шегьре рекьел акъудзава.

Хъсан адетрикай сад, эгер хуьре сада квалер эцигиз эгечлайтла, вирида куьмекдай. Сада керпичар атлудай, муькуьда цал эцигдай ва икI мад. Яни гьа икI квалер куьтягъ жедалди куьмекдай.

Квалериз экъечлайла, мубарак ийиз савкъатарни гваз мугьмандиз кьеда. Яни, гьарда вичихъ авай верч, хеб, дана тир гьидай. Чеб девлетлу туширтлани, инсанрин риклер ачух тир, адетриз клур гудачир. Риклерин мердвал, хияприн мишывал са шейинихъни гекъиг ийиз жедачир. Хийрширдла лагъайтлани, кьерехда акъваздачир. Гьар са касди вичин пай кутадай. Иллаки мехъерар жедайла, са варз вилик ку-

маз гьазурвилер аквадай. Кесиб, девлетлу лугьудачир, вирида харжар авуна гурлу мехъерар, демер кьиле тухудай.

Виликдай хуьруьз патал хуьрйа кас атайла, кимел алай итимри гьуьжетар ийидай, мугьман кваллиз ни хутахдатла лугьуз. Кваллиз атай мугьмандиз еке гуьрмет ийидай. Адаз хъсан тлямлу хуьрекар, хуьртуьл мес ва амай вири кьулайвилер ийидай. «Мугьман кваллин берекат я»- лугьудай.

Амма гила, гьайиф хьи, гзаф чкайра ихътин хъсан адетар рикелай алудзава. Ша, гьуьрметлу газет келзавайбур, чна чи бубайрин адетар рикелай ракъур тийин, чна а адетриз гуьрмет ийин, абур хуьз алахъин. Эгер чна чи бубайрин адетар хуьн тавуртла, абур чи арадай акъатда.

ЖАННА.

## ГЪАКЪИКЪАТ

КЪИБЛЕ ПАТАН Дагъустандай куьч жез фена лезги хуьрер гьисаб кьуртла, агъзурралди ерияр таз фена квалер. Етимар хъиз туна анра чи бубайрин квалер, пирер, яйлахарни генг кьишлахар, емишрин багълар ва никлер хупI мублагъ тир кьакъан дагълар, дереярни кьацу синер; чкачкадал гьалтдай вал кьайи яд авай булахар, гадаярни рушар жедай суьгьбетрик кваз сирлу риклер. Зегьметчийриз бул кваллахар жедай йиса кьилиякьилиз, дояркайри ацаз калер, чубанрини хуьдай хипер. Бейкар касни аквадачир гьасилиз ва кватлиз бегьер. Лежберарни, фялеярни, малимарни, регьберарни машгъл жедай чпин кардал, кеспидихъ лап кудай жигер. Гьар са хуьруьхъ юг гатадай жедай ратлар еке муьхцер, кламарани акъваз

тийиз элкъевез жедай кьванцин регьвер. Квалерин буй авай маркар кьадай чуьлдай хкиз векьер. Са чиб чилни, я са булах жедай тушир алачир твар гьич са хуьре.

Ибур вири чешмеяр тир лезги члалан девлетдин. Ни авуна абур тар-мар? Са виш касдиз чизматла кье, мад низ чизма и хуьруьн твар? Ша гьисаб кьан гила чна гьикъван квахъна лезги тварар, лезги гафар, нугъатар. Гьикъван тварар булахринни рекьерин, кьаналринни муькьверин, никлеринни векьерин квахъна гьич гел амачиз. Са чкаяр амуькна кьейибурун риклера, са чкаяр квадарна куьч хъайибуру рекьера, са вуч ятлан чизматла чизвайбуруз эгера чи буржи я кватI хъувун кьекъевез куьгьне хуьрера.

Айибун дуьз туш чна хуьрер туна фейибур, яшайишдин

шартлари мажбурзавай куьч хъуниз. Амма, амма абуру виш йисарин тарихар, эдебиятдин, члалан дегъ заманрин чешнеяр, ашукьрини арифри яратмишай эсерар вутIна, гьиниз гадарна, абур гьина квадарна? Вучиз хвенач лезги члал, адан гуьзел нугъатар ва камаллу мисалар? Гила гьина кьекъеведа, на нивай вуч жизада.

Гьеле умуд атланвач, акъван клева акланвач. Гадарнавай хуьрери, чун хъсандиз кьекъвейтла, гзаф гуьтлуь рекьерай чун сирерихъ тухуда, сурарихъ квай кьванери, пак чкайри- пирери, идан-адан квалера амай куьгьне ктабри аламачир чи рикел гзаф крар хкида. Са мус ятлан хъайи затI гел амачиз квахъдай туш. Кьекъуьгъ адахъ, акъвазмир, кьекъвей касдиз герек затI жегьидайди я эхир.

М. ЖЕЛИЛ.

# Аялар патал

АКЪАХНА кТек жугъу-  
нал, гъарайна лап ху-  
шунал:

-Заз мержан са  
жагъана, килиг вири  
атана.

-Квез килигда шуь-  
шедин, - кици хъверна

рахшанддин. -  
ТиртIа ам еке  
кIараб, масад  
жедай зи жа-  
ваб.

В е ч р е з  
атана хъуь-  
руьн:

-Жагъана затIар ши-  
рин. ГъатнайтIа са  
киле цуькI, ксудай зун  
секин яз рикI.

-Къа! Къа! Къа! -  
гъарайна къазра. -  
Акьуллу хъанва пара.  
Мержан, кIараб ва  
гъакI цуькI- буш та-  
хъуй гъа тIуьна рикI.  
Ични чуьхвер, къацу  
векъ недай за акъат-  
далди гъекъ. Михьи,  
къайи булахар, жагъ-  
айди я бахтавар!

Уьрдегдизни атанач  
къарай, авуна адет  
хъанвайвал гъарай,

ийиз тарифар вичелай:

-Незмайди туш шур-  
ваяр, язава за каба-  
бар. Зун къекъвена  
накъ хула, шар-пепе  
авай пара. Еке са къиб  
къуна за, кIелелай тир  
вич таза.

Такабурлу

гъуьндущка,  
гъисабзавай  
вич яз агъа,  
экъечIзава  
майдандиз, яр  
къекъифна  
гардандиз:

-Вуж я небгет ах-  
макьар, ийизвайбур да-  
махар? Нез жеч квевай  
мержанар, як алачир  
кIарабар. ЦуькI аквад  
квез ахварай. Рахух  
тIун куьн цицIеркай,  
багъда авай кеферкай.

Мягътел хъана  
шмпIини ван хъайила  
къуру суьгъбетар, аву-  
на лап туьгъметар:

-Гъикъван хъурай  
руфун цIай, садан не-  
дач а куь пай. Вегъ-  
ейла квез са кур твар,  
амукъдач квехъ къайгъ-  
уяр.

## РУФУН ЦIАЙ

### ЗА ЧАЙ ГУЪЗЛЕМИШЗАВА

АЯЛРИН бахчада ниси-  
нин хуьрек тIуьна аялар  
столовойдай экъечIна.  
Суфрадихъ са Лейла  
къилди галама. Тербия-  
чиди хабар къазва:

-Лейла, вун суфра-

дихъай вучиз къарагъ-  
завач, тух хъаначни?

-Тух хъана. Чи кIвале  
хуьрек тIуьрдалай къу-  
лухъ чай хъвадай адет  
ава. За чай гуьзлемиш-  
зава.

### ИМ МАСА ЖАНАВУР Я

КЪУД лагъай классда ди-  
дед чIалан тарс тухузвай  
малимди аялриз подлежа-  
щие ва сказуемое галай про-  
стой предложение  
туькIуьрунин тапшуругъ  
гана.

Класс киснава. Аялар ван  
акъуд тавуна предложение  
туькIуьриз алахънава. Амма  
алакъзавай хътинди туш.  
Гъа и арада Расула гъил  
хкажна. Вичикни, масад ви-  
лик акатиз кичIела, гзаф  
тади ква.

Расулан гъил акур малим-  
ди адаз вичин предложение  
лугъун теклифзава.

-Жанавурди хиперал вегъ-  
ена, - са нефесдал лагъана  
гадади.

-Аферин Расул, ваз вад.  
Фикир ая, аялар. Мад ни  
туькIуьрна предложение.

Класс киснава. Садаини  
ван – сес акъатзавач. Вири-  
буруз вадар къачуз кланзава,  
амма рикIел затIни къевезвай  
хътинди туш.

Аквезва малимдиз, мад  
Расулан гъил цава ава.

-Къе Расул активни яз ак-  
вазва. Къарагъна лагъ кван  
ви предложение, - теклиф-  
зава малимди.

-Жанавурди хиперал вегъ-  
ена, - мад са нефесдал ван  
алаз лугъузва гадади.

-Расул, жанавур галай  
предложение хъанай къван.

-Малим, им маса жанавур  
я, - са клусни вичивай – вич  
квахъ тавуна жаваб гана га-  
дади.

Аялар рахазва, аялри  
лугъузва рубрикадик кваз  
чиниз макъалаяр кхъей-  
ди- журналист, РД-дин  
культурадин лайихлу ра-  
ботник, зегъметдин вете-  
ран Фикрет ГЪАЖИЕВ я.



## В ПРОКУРАТУРЕ РАЙОНА

**ПО РЕЗУЛЬТАТАМ ПРОВЕРКИ**

ПРОКУРАТУРОЙ Магарамкентского района при проведении проверки исполнения законодательства о защите прав потребителей услуг пассажирского автотранспорта выявлены нарушения законодательства.

В ходе проверки установлено, что техническое состояние микроавтобусов, осуществляющих перевозку пассажиров, не соответствует требованиям п. 7.7 приложения «Основным положениям по допуску транспортных средств к эксплуатации и обязанностям должностных лиц по обеспечению безопасности дорожного движения», утвержденно-го постановлением Прави-

тельства Российской Федерации от 23.10.2009 №1090 «О правилах дорожного движения» (далее Правил), согласно которым микроавтобусы должны быть оборудованы медицинской аптечкой, огнетушителем, знаком аварийной остановки по ГОСТу.

Перевозчики пассажиров в нарушение требований п. 2.3.1 Правил не обеспечили исправное состояние транспортного средства в соответствии с основными положениями по допуску транспортных средств к эксплуатации и обязанностями должностных лиц по обеспечению безопасности дорожного движения.

По результатам проверки

прокуратурой района 23.07.2018 и 24.07.2018 г. в отношении 4 перевозчиков пассажиров возбуждены производственные административные правонарушения, предусмотренные ч. 1. ст. 12.5 КоАП РФ (Управление транспортным средством при наличии неисправностей или условий, при которых эксплуатация транспортных средств запрещена), которые для рассмотрения направлены в ОМВД России по Магарамкентскому району. По результатам рассмотрения перевозчики пассажиров привлечены к административной ответственности и оштрафованы по 500 руб. каждый.

**Правила и порядок регистрации несовершеннолетних детей:**

**Как и что нужно, чтобы прописать ребенка?**

**Требования закона**

В течении какого времени нужно прописать ребенка? Регистрация ребёнка по месту жительства на территории РФ является обязательной и необходимой процедурой.

Наличие прописки нужно для осуществления его гражданских прав и получения социальных гарантий: поступления в образовательное учреждение, получения медицинской помощи, оформления различных пособий.

Нарушение сроков квалифицируется как административное правонарушение и облагается штрафом на основании статьи 19.15.1 КоАП РФ. Размер штрафа – от 2000 до 3000 рублей.

При этом срок прописки но-

ворожденных по закону не более двух месяцев.

Для регистрации малыша даётся срок в два месяца, а впоследствии у родителей могут возникнуть некоторые проблемы и дополнительные трудности. В практике нередки случаи назначения штрафа родителям новорожденных, не уложившимся в срок регистрации.

Ребёнок до 14 лет может регистрироваться исключительно с родителями, или с одним из них при раздельном проживании (ст. 20 ГК РФ). Прописка несовершеннолетних граждан производится путём подачи заявления и пакета прилагаемых к нему документов в территориальное отделение по вопросам миграции или МФЦ.

Регистрацию ребёнка до 14-ти лет производят его родители или законные представители.

Один из родителей или опекун ребёнка подаёт заявление установленного образца (Форма № 6). В случае отсутствия у ребёнка родителей вопросами его прописки занимаются органы опеки.

**Что нужно, чтобы прописать ребенка?**

**К заявлению прилагается пакет документов:**

**Свидетельство о рождении.**

**Паспорта родителей.**


**Свидетельство о браке.**

**Правоустанавливающие документы на дом.**

**Р. МАГАРАМОВ,**

инспектор ОБМ Отдела МВД России по Магарамкентскому району, младший лейтенант полиции.

КРОССВОРД



**Дуъз џарара:**

1.Гаран хел. 2.Малар хъяндай чка. 3.Рух, адан са жуъре. 4.Ам галачиз уьмуър авач. 5.Ам галачиз дин авач. 6.Жалгъа. 7.Са дестедин ва я межлисдин къил. 8.Акъвазнавай цин чиниз ядай пехир. 9.Фагъум авачир авам. 10.Руьгъ (кичле хъана руьгъ аватун). 11.Парчадин са жуъре. 12.Явашдиз. 13.Лезгияр ятлани, районра, хуърера абур рахунин къетленвал. 14.Виридан.

**Тик џарара:**

1.Пешер авахънавай тар. 4.Са затлунихъ гузвай къимет. 6.Керпичрин чешне. 8.Са шакни алачиз. 11.Душмандин рехъ атлана акъвазун. 13.Наз гвай, дамах гвай. 15.Бязи набататриз ядай дарман.16.Къуват, такъат. 17.Пичинал чрадай къелечл фу. 18.Мутлакь. 19.Гими. 20.Ерли. 21.Хажалат авай кас. 22. Шегъерда инсанар санай-саниз тухудай улакь.

**Юкьва авай кругда:**

**дуъз џарара:** 1.Кагъаз. 2.Нуьккъвер квал.  
**тик џарара:** 1.Свас гъизвай гада. 3.Къая.



**Нурудин НАСРУЛЛАЕВ**

**КАМАЛДИН КУКИУШАР**

\*Гъахъвални къанун я, эгер адал амал ийиз хъайитла.

\*Ажеб тир, къабулнавай къанун гъар са макъамда вичин къуватда жедайитла.

Луьгузъва хъи, язава, гатазъва, къакъудзава, рекъизъва, анжах «Вучиз, вучиз язава?» луьгудай суал амач, хъендик кумукъзава.

\*Виридалайни иерди тлебиат я.

\*Чил-цав тлебиатди гуьрчегарзава, инсан- руьгъди.

Чак-чакъазмайрин СОШ-дин 11-класс куътягъайдан гъакъиндай 2014-йисуз Марданов Алимгаз гайи 0051 8000270461- нумрадин аттестат квахъуниз килигна **къуватда амачирди яз гъисабин.**

Хорельрин СОШ-дин 11- класс куътягъайдан гъакъиндай 2002- йисуз Гъаджиагъмедов Шайдадиз гайи А 9223308- нумрадин аттестат квахъуниз килигна **къуватда амачирди яз гъисабин.**

Хъартаскъазмайрин СОШ-дин 10- класс куътягъайдан гъакъиндай 1986- йисуз Ярагъмедов Теймураз гайи В 318559- нумрадин аттестат квахъуниз килигна **къуватда амачирди яз гъисабин.**

Азадогълийрин СОШ-дин 9-класс куътягъайдан гъакъиндай 1996-йисуз Абасова Секинатаз гайи А 091654- нумрадин аттестат квахъуниз килигна **къуватда амачирди яз гъисабин.**

Целегуьнрин СОШ-дин коллективди Джафарова Верадиз ва амай вири мукъва-къилийриз уьмуърдин юлдаш

**Джафаров Бадрудин**

залан азардик вахтсуз рагъметдиз финихъ галаз алакьалу яз, дериндай хажалат члугуналди башсагълугъвал гузва.

**Къилин редактор А. А. ИСМАИЛОВ.**

**Учередители:** Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).  
**Адрес:** 368780. РД, Магарамдхуьруьн район, Магарамдхуьр, Гагаринан куьче, 2.

**Редакциядин адрес:** 368780. РД, Магарамдхуьруьн район, Магарамдхуьр, Ленинан куьче.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магарамдхуьруьн район, Магарамдхуьр, Ленинан куьче. Лезги члал.  
**Индекс 63340. Тираж 1400**

Газет гъафтада садра акъатзава.

**Чап ийиз вахкудай вахт - 16.00.**  
**Чапун патал къул члугуна- 15.00.**

**Телефонар:** редактор- 25-1-37, жавабдар секретарь - 25-1-39, бухгалтер-25-9-69.

Заказ № 8.

6+